

natistas appellavit. Cur autem Electores Pontificis Cardinales dicantur, non omnes explicant eodem modo.

Calvinus loco notato docet, hoc nomen tempore sancti Gregorii proprium fuisse Episcoporum, proinde non recte nunc tribui Presbyteris et Diaconis, aut solis Episcopis Romane Curia : « Hic titulus, inquit, Gregorii etate in solos Episcopos competitabat. Nam quoties meminim Cardinalium, non Romanae Ecclesiae, sed aliis quibuslibet eos attribuit, ut in summa nihil aliud sit sacerdos Cardinalis, quam Episcopus. » Hec ille. At Calvinus in exploratum errorum incidit; nam S. Gregorius lib. V, epist. 11, ad Fortunatum Episcopum Neapolitanum meminit Diaconorum Cardinalium, et lib. XI, epist. 34, ad Joannem Episcopum Syracusanum meminit Presbyteris Cardinalium, et Joan. Diaconus lib. III vita S. Gregorii, cap. 7, enumerat Episcopos, quos S. Gregorius ex Presbyteris Diaconibus fecerat. Non igitur verum est, idem esse apud Gregorium, Episcopum et Cardinalem.

Si quis autem plura cognoscere velit, legat ex Theologo Alvarum Pelagium, lib. II de planctu Ecclesiae, art. 16. Augustin. Triumphum in summa de potest. Ecclesie, quest. 102. Thoman Waldensem lib. II doctrinalis fidei, art. 3. cap. 34. Joan. de Turcremata lib. I summa de Ecclesiae, cap. 81, 82, 83 et 84. S. Antonium in summa Theologica, 3. par. tit. 21. Joan. Antonium Delphinum lib. II de Ecclesiae. Ex Canonis, Andream Barbatum in tract. de praestantia Cardinalium ad Bessarionem, Martinum Laudensem in tract. de Cardinalibus, Dominicum Jacobatum lib. I de Conciliis, art. 12. et Joannem Hieronymum Albanum in lib. de Cardinalibus. Ex Historicis, Onuphrius Panvinum in libello de Episcopatibus, Titulus et Diaconis Cardinalium.

Ut igitur a primo incipiamus, Calvinus loco notato, ante Gregorii tempora dicit so non legisse nomen Cardinalium : At in Concilio Romano sub Sylvestro can. 6. legimus septem fuisse Diaconos Cardinales in Romana Ecclesia. Praecessit autem Sylvester Gregorium annis fere trecentis; neque tamen tunc primum coepit hoc nomen. Non enim Concilium illud instituit Cardinales, sed solum jussit ut prater Cardinales Diaconos Romanæ Ecclesiae, essent etiam duo Diaconi ad examen Parceriarum.

Porro nomen Cardinalis idem fere significare videtur quod Principalis, sive a quo alii pendent, ut a cardine ostia dependere solent. Hinc enim et virtutes Cardinales, et venti Cardinales, et puncta colli Cardinalia dici solent, et Augustin lib. I de Baptismo, cap. 6. Primarios Donatistas, Cardinales Do-

CAPUT XVI.

De Cardinalibus.

titulares 67; item ex Synodo S. Gregorii, quæ habet lib. IV registr. cap. 88, ubi ponuntur subscriptiones Presbyterorum Cardinalium, et inter eas tres inveniuntur titulo sanctæ Balbinae, duo sancti Damasi, duo sancti Sylvestri, duo sanctorum Apostolorum. Non igitur is tantum Cardinalis dicebatur, qui praerat titulo. Præterea, tempore S. Sylvestri, septem tantum Roma erant Diaconi Cardinales; nam adhuc recons erat eo tempore Canon 14. Concilii Neocasariensis, ubi definitur, in qualibet civitate, quamvis magna, septem tantum debere esse Diaconos, et tamen illi omnes Roma diebantur Cardinales, ut patet ex Concilio Romani sub Sylvestro can. 6. Non igitur Diaconus Cardinalis erat, qui praerat alius Diaconus ejusdem Ecclesie. Adde postremo, quod iuxta hanc Onuphrii explicationem, nulla ratio redi possit, cur dicerentur quidam Episcopi Cardinales; Non enim dici possunt Episcopi Cardinales, quod præsentis alii Episcopis sua diocesis, sicut Presbyter Cardinalis, quod præsit Presbyteri sui tituli, nam non sunt in una diocesi plures Episcopi.

Existo igitur nomen Cardinalis primo impositum esse loco, et a loco derivatum ad personas. Diebantur enim tituli Cardinales, quædam Ecclesiæ principales, ubi Baptisma conferbatur; et diebantur Ecclesiæ vel tituli Cardinales, ad differentiam aliorum locorum sacrorum minus principalium. Inde autem Presbyter, qui eam Ecclesiæ regebat, diebatur Presbyter Cardinalis. Pari ratione Diaconia Cardinales erant loca quædam principalia in urbe distincta juxta numerum regionum, et qui in eis residebant Diaconi, diebantur Cardinales Diaconi, ab Ecclesia videlicet Cardinali, quem tenebant. Sic etiam postmodum dicti sunt Episcopatus Cardinales; Et inde Episcopi Cardinales sex illi, qui ad eligendum Pontificem conveniebant, et eidem Pontifici a Consiliis erant præter ceteros orbis Christiani Episcopos.

Quod autem a loco cooperit hoc nomen, cognosci potest ex Concilio Meldensi, can. 54, ubi sic legimus, ut titulos Cardinales in ipsis vel suburbis constitutos Episcopos canonice ordinet et disponat. Item ex Joan. Diaconi in vita S. Gregorii lib. III, cap. 11, ubi sic ait : « Cardinales violenter in Parochiis ordinatis forensibus, in pristinum Cardinem Gregorius revocabat. » Ubi Cardinem vocat Cardinalem titulum sive Ecclesiam.

OM. II.

Ac de nomine quidem hactenus. Si quis autem velit cognoscere nomina, et numerum titulorum, Diaconiarum et Episcopatum Cardinalium, Onuphrium consulat in libro de Cardinalibus.

Jam de officio, et officiis antiquitate breviter dicamus. Tria sunt officia Cardinalium. Primum est commune cum Episcopis, Presbyteris et Diaconis ceteris; omnes enim Cardinales, aut Episcopale, aut Presbyterale, aut Diaconale officium habent: Alterum officium est summum Pontificem eligere: Postremum eidem Pontifici perpetuo assistere, eumque in regendo universa Ecclesia consilio et industria adjuvare. Ex his officiis primum negari non potest, quia sit antiquissimum. Neque id negat Calvinus; quin potius hoc solum agnoscit, sic enim scribit loco citato, lib. IV, cap. 7. §. 30. : « Et sane nihil officii tunc habeant, nisi ut in doctrinae et Sacramentorum administratione Episcopo adcessent ac subissent. » Hec ille.

At Calvinus secum pugnare mihi videtur; nam codem lib. IV Institut. cap. 4. §. 2. docet, antiquissimis temporibus cum fuisse usum in Ecclesia, ut Presbyteri eligerent Episcopum, et cum illo ita Ecclesiam communis consilio regerent, ut nihil plus Episcopus haberet in custo Presbyterorum, quam Consul in Senatu : « Presbyteri, inquit, ex suo numero unum eligebant, cui specialiter dabant titulum Episcopi. » Et infra : « Quas partes habet Consul in senatu, eas habet Episcopus in Presbyterorum cœbu. » Hec ille. Quod si verum est, certe sequitur, ut quod nunc Romæ Cardinales faciunt, dum Episcopum ex suo numero eligunt, aut tandem Senatores quidam Ecclesiastici cum eo Ecclesiam regunt, antiquissimum sit ac proinde omnia tria officia sint antiquissima.

Est autem hoc loco observandum. Omnia quidem tria Cardinalium officia esse antiquissima, et ab ipso tempore Apostolorum inchoata, sed tamen non esse eque antiquum, ut soli Cardinales duobus officiis posterioribus fungantur. Nam a tempore Apostolorum per multis annos, immo etiam per aliquot secula, quia pauci erant Presbyteri et Diaconi, omnes simul ad electionem Episcopi, et ad Concilia vocabantur, neque erat opus tunc distinguere a Cardinalibus non Cardinales, sicut etiam in aliis Ecclesiis non distinguuntur Canonici a non Canonici. Quare Cyprianus cum aliquoties scribat ad

29

Romanum Clerum, non scribit ad solos Cardinales, sed ad omnes Presbyteros et Diaconos Romanæ Ecclesiæ; et similiiter illi cum Cypriano respondent, Presbyteri et Diaconi omnes respondent. Vide lib. II, epist. 7. et lib. III, epist. 5 et 21.

Deinde autem cum crevisset multitudo Cleri, vocabantur quidem omnes ad electionem faciendam, sed non omnes ad Concilia vocabantur, sed aliqui principales, qui Roma, et aliis quibusdam in locis Cardinales dicebantur. Id constat ex Synodo Gregorii, lib. IV registri, cap. 88. Nam solum Concilio interfuerunt ex Presbyteris XXXIV, et ii Titulares omnes, id est, Cardinales. Certum autem est, tunc Roma fuisse multo plures Presbyteros, quam XXXIV. Nam si tempore sancti Cornelii, circa annum Domini 250, in medio persecutionum, regnantiibus idolatrias, tamen erant Rome XLVI Presbyteri, ut ex epistola ejusdem Cornelii refert Eusebius lib. VI histor. cap. 33, certe multo plures erant tempore sancti Gregorii, circa annum Domini 600, quando nullus in urbe erat Paganus. Denique, postremus quingentis annis neque ad Concilia, neque ad electionem admissi sunt omnes Clerici, quod nimis multi essent, sed soli Cardinales, ut supra ostendimus, cum de vocatione Ministrorum agemus.

Quantum ad tertium, de comparatione Cardinalium cum Episcopis, fuse tractant supra citati auctores, sed in hoc tamen fere omnes convenient, quid si consideremus ordinis potestatem, major sit Episcopus Presbytero, vel Diacono Cardinali. Nam Episcopus ordinat Presbyteros, confirmat baptizatos, aliaque id genus facit, que Cardinales Presbyteri, vel Diaconi facere non possunt. Quia etiam ratione summus Pontifex Episcopum se vocat, non Cardinalem, et Episcopos omnes appellat venerabiles fratres, Cardinales autem dilectos filios, quomodo vocat etiam Laicos.

Pari ratione, si consideremus jurisdictionem in propriam Ecclesiam, id est, Episcopi in suam Diocesim, et Cardinalis in suum titulum, aut Diaconum, major est Episcopus Cardinalis Presbytero, vel Diacono. Nam in primis major est ordinariae Diocesis Episcopi, quam titulus Cardinalis; ac præterea Episcopus in sua Diocesi amplissimam habet jurisdictionem tanquam proprius et ordinarius Pastor, ferendi leges, dispensandi, puniendo, indulgendi etc. At Cardinalis Pres-

byter et Diaconus, cum in suo titulo sit voti Parochus, Episcopo subiectus, nihil protest, nisi quantum Episcopus ei permiserit.

At si consideremus regimen Ecclesiæ universalis, major est Cardinalis Presbyter vel Diaconus Episcopo non Cardinali. Nam Episcopi simplices nunquam adhibent ad regim universali Ecclesiæ, nisi rarissime, id est, cum ad generale Concilium convocantur. At Cardinales fere quotidie praestunt Pontifici, neque ulla negotia majoris momenti sine eorum Concilio peragitur. Et quia hinc fit, ut Episcopi a Cardinales, ut summi Pontificis cooperatoribus, judicentur, creentur, deponantur, non autem contra Cardinales ab Episcopis; propriae absolute Cardinalis Episcopum non Cardinalem preceperit. Atque hanc rationem ut præcipuum afferat etiam Eugenius Pontifex IV in epistola ad Archiepiscopum Cantuariensem, que existat apud Dominicum Jacobatum, lib. I de Conciliis, art. 42. Et ante Eugenium, S. Bernardus lib. IV de consideratione, de Cardinalibus loquens: « Venianus, inquit, ad collaterales, et coadjutores tuos. Hi seduli tui, hi intimi tui. » Et infra: « An non eligendi de toto orbe, orbem iudicatur? » Et in epist. 188. Ad Cardinales scripta: « Nulli dubium, inquit, quin ad vos speciales spectet tollere scandala de regno Dei, surgentes succidere spinas, sedare querelas. » Et infra: « Agite pro loco, quem tenetis, pro dignitate, qua polletis, pro potestate, quam accepistis etc. » ubi apertissime agnoscit S. Bernardus majorem in Cardinalibus, quam in Episcopis potestatem.

Sed occurrit Calvinus loco notato, lib. IV, cap. 7. §. 30. et obicit tria testimonia: « video, inquit Calvinus, fuisse tunc Episcopis minores, quos nunc longe antecellunt. Notum est illud Augustini epistola decimana ad Hieronymum: quamquam secundum horum vocabula, que jam Ecclesia usus obtinuit, Episcopatus Presbyterio major sit, tamen in multis rebus Augustinus Hieronymo minor est. Hie certe Romana Ecclesia Presbyterum ab aliis minimo discernit, sed omnes ex sequo postponit Episcopos. Idque eousque fuit observatum, ut in Concilio Carthaginensi, cum duo adcesserint Legati Romanae sedis, unus Episcopus, secundus Presbyter, hic in ultimum locum rejectus fuerit. Verum ne nimis vetera prosequamur, exstat Concilium sub Gregorio habitum Rome, in quo Presbyteri ultimo loco sedent, et seorsum

sum subscrubunt, Diaconi locum nullum in subscriptione habent. » Hec ille.

Sed Augustini testimonium ad rem non facit; non enim negamus Episcopatum Presbyterio majorem esse, sed dicimus, Presbyterum Cardinalem Episcopo non Cardinali esse majorem, non quod Presbyter sit major Episcopo, sed quod Cardinalis major sit non Cardinali. Nam aliqui Episcopus Cardinalis Presbyterum Cardinalem, et Presbyter Cardinalis Diaconum Cardinalem semper preceperit.

« At, inquit Calvinus, Augustinus non quenam Presbyterum, sed Hieronymum Presbyterum Romana Ecclesia Episcopo postponit. »

Respondeo, S. Hieronymum non Romana Ecclesia, sed Antiocheno Presbyterum fuisse; id enim ipse testatur in epist. 61. ad Pamachium, de erroribus Joannis Hierosolymae Episcopi. Neque repugnat quod ipse aliquando Romæ fuerit, et Damasum Pontificem juviter in epistolis scribendis, ut ipse testatur in epistola ad Ageruchiam de Monogamia. Nam eti Roma fuerit, non tamen habuit Roma titulum aliquem proprium, sive Ecclesiam regendant, ut Cardinales habent; Quocirca cum iam Roma redisset, et in Syria degeret, quando scripsit epistolam ad Pamachium adversus Joannem Hierosolymitanum, non tamen ait, se Romanum, sed Antiochenum Presbyterum fuisse. Et sane, si potuisse vere dicere, se Romana Ecclesia Presbyterum Cardinalem esse, vel fuisse, libenter dixisset. Cupiebat enim Joanni Episcopo Hierosolymam demonstrare, se Presbyterum fuisse majoris cuiusdam Ecclesie, quam Hierosolymitanam esset; et proinde se non reliquise suam Ecclesiam, ut in Ecclesia Hierosolymitanam aliquid quereret: « Ob id, inquit, et ego Antiochiam, et ille Constantinopolim, urbes celebrissimas, deserimus, non ut te in populo prædicantem landaremus, sed ut in agris et in solitudine adolescentia peccata deflessemus, Christi in nos misericordiam deflecteremus. » Hec ille. Cum igitur constet, semper Romana Ecclesiam Antiochenam prælatam fuisse, certe sanctus Hieronymus libenter dixisset, si id vere dicere potuisse: ob id et ego Romanum, et ille Constantinopolim etc.

Neque etiam testimonium Concilii VI Carthaginensi valde est ad rem. Nam etsi in eo Concilio Presbyter Romanus sederit post Episcopos, tamen in Concilio Niceno, in

Ephesino, in Chalcedonensi, in VI, VII et VIII Synodo generali Romani Presbyteri se derunt ante Episcopos. Sed quamquam hec ita se habeant fateor tamen, olim Episcopos quoscumque pralatos fuisse Cardinalibus non Episcopis, immo etiam Cardinalsatum gradum fuisse ad Episcopatum, ut Onuphrius recte docet in libro de Cardinalibus, et aperi tissime colligitur ex lib. I, cap. 7. vite S. Gregorii.

Postea tamen mutatus est ordo, et cepti sunt Cardinales Episcopis anteponi, et Episcopatus gradus esse ad Cardinalatum; cujus mutationis duplex ratio assignari potest. Una, quod ad solos Cardinales devoluta sit electio summi Pontificis. Nam quo tempore Pontifices eligebant Cleros et populus, non est mirum, si non tanti fierent Cardinales. At postea quācūperant soli ipsi eligere, et etiam soli ipsi, ut plurimum, eligi, non sine causa cōpīt dignitas Cardinalitia plurimi fieri, quam antea.

Altera causa est, quod soli Cardinales cōperant adesse summo Pontifici in Consiliis. Nam antea Cardinales neque soli, neque primarii Consilliorum Pontificis erant; siquidem primis sexcentis, vel octingentis annis, summi Pontifices ad graviora negotia Ecclesiæ dijudicandæ cogebant Concilia nationalia Episcoporum Italiæ, quibus Consilii intererant quidem Cardinales Presbyteri, sed tamen primus locus Episcoporum erat. Id cognoscere potest ex tomis Conciliorum, ubi plurima inveniuntur Concilia Romana, sive Lateranensis, celebrata ab anno Domini 300 ad 800.

Quocirca non erat ratio, cur eo tempore Cardinales Presbyteri Episcopis anteponderent, cum eo tempore non minus, immo magis Pontificem juvarent in Ecclesia universalis regenda Episcopi, quam Cardinales. At postea creverunt negotia Ecclesiae Romane, præsertim cum accessisset principatus temporalis, tempore Pipini et Caroli Magni: proinde egebat summus Pontifex Consilliorum ope multo sèpius, quam antea. Neque poterat tam saepè convocare Concilia Episcoporum, quam necesse erat, Concilia enim vix tertio quoque anno cogebant, Pontifex autem qualibet anno sèpius egebat Consilio. Itaque usu docente, et necessitate cogente his postremis annis sexcentis vel septingentis cōperunt paulatim omitti Concilia Episcopalia, et res tota redigi ad senatum Cardinalium. Potuisse an-

tem hoc fieri, et recte factum esse, in dābium revocari non potest; nam non tenetur Pontifex hos potius, quam illos in Consilium adhibere.

Deinde, hac ratione multa commoda consecuta sunt. Primum, quod habeat nunc summus Pontifex senatum in prompta, ita ut possit etiam singulis diebus, si velit, de rebus gravissimis deliberare. Alterum, quod hoo fiat sine detimento Ecclesiārum parūcūlāriū. Nec enim possent Concilia Episcoporum sepe cogi sine detimento Ecclesiārum, quibus absentia Pastorū pernicioſa est. Tertium, quod habeat Consiliarios magis instructos, et exercitatos, cum haec sola et assidue tractent. Facta autem legitime hac mutatione conciliū Pontifici ab Episcopis, et Cardinalib⁹ ad solos Cardinales; mutatio esse non debet, si etiam facta est mutatio dignitatis.

Sed placet, ad finem hujus loci repugnantiam verborum Calvini in extrema disputatiōne cap. 7, lib. IV Institut. annotare. Nam in ultimo paragraphe miratur Cardinalium amplitudinem: « Nescio, inquit, qui factum sit, ut ita subito in tantam amplitudinem. » Et mox infra: « Nunc adeo mutata sors est, ut facti sint Regum, et Cæsarum cognati. Nec dubium est, quin una cum suo capite sensim creverint, donec ad hoc dignitatis fastigium evecti fuerint. » Hac ille. Qui tamen continuo subjungit contrarium: « Imperi, inquit, in illis oportuit quod de talibus ait Malachias: Vos recessistis de via, et offendere fecistis in lege plurimos; propterea ecce ego dedi vos contemptibiles et viles omni populo. » At quomodo, queso, ista colloquent, ut in sumnum fastigium amplitudinis creverint Cardinales, ita ut Regum ac Cæsarum cognati facti sint et tamen contemptibiles ac viles evaserint omni populo? Sed de his satis.

CAPUT XVII.

De Chorēpiscopis.

Diximus de distinctione et officio Clericorum eorum, qui etiam hoc tempore locum suum habent in Ecclesia; nunc addendum visum est aliquid de Chorēpiscopis, quorum

nomen et officium olim in usu erat, nunc autem pene interuersi videtur.

Igitur Chorēpiscopi dicebantur olim presbyteri quidam, qui in pagis, aut oppidulis curam animarum gerebant loco Episcoporum, ut nunc fere Parochi faciunt. Dicebant autem Chorēpiscopi, vel, ut Damasus indicat in epist. 3, quasi villarum Episcopi. Nam *χωρα* Graece oppidum ac regionem significat. Vel potius, ut concilium Neocesiariense canone 13. et Antiochenum can. 8. docent, quasi Vicarii Episcopi, vel Vicarii Episcoporum, seu loco Episcoporum constituti; *χωρα* enim locum etiam significare potest. Porro ejusmodi Chorēpiscopi non poterant Presbyteros et Diaconos ordinare, nec Chrismate fidem frontes inungere, nec templis, aut altaria consecrare. Cetera fere omnia præstare poterant, que præstant Episcopi, ut cognoscit potest ex Concilio Ancyrano, can. 12. et Antiocheno, can. 10. et Hispanensi II, can. 7. item ex Damaso in epist. 3. Leone epist. 86, alias 88. et Joanne III, in epistola ad Episcopos Germanie et Galliae.

Sed questio hoc loco occurrit. An Subdiaconos ordinare Chorēpiscopis aliquando licuerit. Nam in Concilio Antiocheno can. 10. id eis licuisse disertis verbis asseritur. Contra autem, id eis minime licuisse, Damasus Papa in epist. 3. aque disertis verbis affirmit; Concilia et Pontifices ceteri supra citati negant licere Chorēpiscopis Presbyteros vel Diaconos ordinare; de Subdiaconis, ceterisque ordinibus nihil expresse dicunt.

Respondeo, quodam fuisse Chorēpiscopos, qui vere Episcopalem consecrationem accepérant, sed Chorēpiscopi dicebantur, quod non haberent propriam Ecclesiam, sed in aliena Diocesi ministrarent, quales sunt hoc tempore Episcopi quidam Titulares, qui et Suffraganei dici solent. Alios vero Chorēpiscopos fuisse, qui nihil aliud, nisi Presbyteri essent, sed, ut diximus, in pagis, ac villis, seu etiam oppidulis, Episcopum aliquo modo representarent. De prioribus loqui videtur Concilium Antiochenum, ut etiam Damasus annotavit in epist. 3. nam ita incipit Canon: « Chorēpiscopi, qui manus impositionem ab Episcopis accepérant, et, ut Episcopi, sunt ordinati etc. » ubi non de omnibus Chorēpiscopis loquitur Concilium, sed de illis tantum, qui a pluribus Episcopis, ritu Pontificum sunt consecrati. Praeterea in eodem canone Concilium non solum his

CAPUT XVIII.

Chorēpiscopis permittit, ut Subdiaconos absolve ordinent, sed etiam ut Presbyteros et Diaconos ordinare possint, si id Episcopus loci permiserit, ex quo certe sequitur eos, Chorēpiscopos veros Episcopos fuisse.

Porro in fine illius canonis, ubi legimus (Chorēpiscopus ab Episcopo loci ordinandus est) non de hisdem Chorēpiscopis agitur, sed de illo altero genere. Vult enim Concilium legem statuere, ut deinceps Chorēpiscopus ordinetur ab uno Episcopo, et proinde Presbyter sit, non Episcopus. De quo genere Chorēpiscoporum loquitur Damasus in epist. 3. cum dicit, non licere Chorēpiscopis ordinare Subdiaconos.

Cetera autem Concilia et Patres, qui negant, Chorēpiscopis licere ordinare Diaconos, et de subdiaconis nihil dicunt, videntur nomine Diaconorum etiam Subdiaconos accepisse, cum sit uteque sacer ordo, et sepe apud veteres eodem nomine appellentur. Quod si evidenter ostendi possit, concessum aliquando fuisse Chorēpiscopis secundi generis, ut Subdiaconos ordinarent; dicendum erit, id fuisse privilegium et dispensationem quamdam, qualis etiam fuit quibusdam in locis, ut presbyteri, absente Episcopo, Confirmationis Sacramentum exhiberent, ut Ambrosius scribit de Sacerdotibus *Ægypti*, in commentario cap. IV. epistole ad Ephesios. Atque hoc de distinctione et officio Clericorum.

CAPUT XVIII.

De cœlibatu Sacerdotum: Sitne jure divino anexus sacrī ordinib⁹ cœlibatus, an non?

Sequitur quarta Disputatio, qua est de cœlibatu, seu continentia hominum sacerdotum, quæ quidem trimembris erit. Primum enim explicandum occurrit, sitne jure divino annexus cœlibatus ordinibus sacrī. Deinde, si constiterit non ita esse, utrum saltem jure Apostolico, ac rectissime, id factum sit. Postremo, num Digami Apostolica lege arcanter a sacrī ordinibus.

Ac, ut a primo incipiamus, Joannes Major in IV. dist. 24, quest. 2. de jure divino esse putavit, quod volum Sacerdotum soleme sit, ac proinde indispensabile esse. Idem fere

docuit Clémentius lib. de continentia Sacerdotum, cap. 4. et sequentibus, ubi duo dicit, que nescio, an infer se bene cohaerant. Unum est, du jure divino esse, ut qui est sacris ordinibus initiatus, non possit uxorem ducere, neque in hoc ullam dispensationem cadere posse. Alterum est, eos, qui uxores duxerunt, non posse sacris ordinibus initiari, nisi deinceps continere velint, esse præceptum Ecclesiæ, et a Sircio Papa primum editum, nec unquam ab Ecclesia Orientali receptum fuisse. Itaque licuisse in tota Ecclesia Sacerdotibus uti uxoribus, quas ante ordines duxerant, usque ad tempora Sirci; in Ecclesia autem Orientali, et nunc licere, et semper licuisse.

At B. Thomas in 2. 2. quest. LXXXVIII, artic. 11. diserte docet, votum continentia esse annexum ordinibus sacris ex solo Ecclesie decreto, ac proinde dispensabile esse. Idem docet Cajetanus in opusculo, tom. I. tract. 27. et Solus lib. VII de justitia, quest. 6. artic. 2. ubi etiam docet, quod ego verissimum puto, decretum hoc, quo votum est annexum ordinibus, non quidem proprio divinum esse, sed tamen esse Apostolicum, et in tota Ecclesia a temporibus Apostolorum, longo tempore esse servatum. Sed quia hoc multis rationibus in sequenti capite contra hereticos confirmamus, nunc solum breviter probandum est, non jure divino, sed humano dumtaxat prohibitum esse conjugium Sacerdotibus, et proinde in hoc dispensari posse.

Probatur primo, ex altero eorum, quæ Clémentius asserit: non est de jure divino, ut conjugati, si ordinentur, ab uxoribus suis abstineant; igitur neque est de jure divino, ut Sacerdotes non ducant uxores. Nam matrimonium non pugnat cum ordinibus ratione essentiae sua, sed ratione officii seu exercitii conjugalis; si enim Deus prohibueret Sacerdotibus conjugium, certe prohibueret proper actum conjugalem, qui hominem reddit totum carnalem, et ineptum ad divinam; nec non proper sollicititudinem domus, et liberorum, quæ plurimas parit distractiones, non autem proper solum Sacramentum conjugii, vel proper contractum matrimonii, qui celebratur solo consensu animorum, et est res brevissima et honestissima. Si ergo licuit Sacerdotibus jure divino habere uxores, quas ante ordinationem duxerant, et eis uti maritorum more: Cur, queso, non licuerit etiam post ordinationem ducere? Adde,

quod rationes, quas Clichtovae pro se adducit, omnes sumuntur a puritate munera sacerdotialium, cui certe non repugnat, uxorem ducere, vel duxisse, sed ei cohabitare.

Non esse autem iure divino prohibitum, ne Sacerdotes utantur uxoribus, quas duxerant ante ordinem, conceditur a Clichtovae. Sed propter quosdam alios, qui de eis re ducunt, probatur apertissime ex eo, quod Ecclesia Romana multis jam seculis permisit Gracis Sacerdotibus usum uxorum, quas ante ordinacionem duxerant, ut patet ex capit. Cum olim, de Clericis conjugatis. Addo Gregorii testimonium, lib. I, epist. 42. ubi permittit Subdiaconis, ut libere utantur uxoribus suis, quas duxerant ante ordinacionem, licet prohibeat deinceps ejusmodi ordinari, nisi continentiam voleant.

Secundo probatur, quia in tota Scriptura nullum tale existat praeceptum. Nam in Testamento veteri Sacerdotibus licitum erat uxores ducere. In novo autem nihil de hac re Dominus locutus est. Apostolus quidem in epistolis ad Timotheum, et Titum, jubet Episcopos et Diaconos eligi castos, sed quod Apostolus praecepit, non divinum, sed Apostolicum praeceptum est, de quo postea agimus.

Proferunt illi ex Deuter. cap. XXXIII. benedictionem Mosis, in qua diecitur de Levitis, id est, ut ipsi exponunt, de Sacerdotibus Christianis; Qui dixerunt patri suo et matri: Nescio vos et filios ignoraverunt. At istud divinum vaticinium, non divinum praeceptum est; sive enim lego divina, sive humana fiat, ut Sacerdotes uxoribus careant, impletur vaticinium Mosis.

Proferunt deinde illud Christi Luca XXI: *Videte, ne graventur corda vestra crapula, et ebrietate, et curis hujus mundi* (1) : quod ad Sacerdotes praecepit spectare testatur Leo, serm. 8. de jejuniis decimi mensis. Sed in hoc aperte fallantur, qui hoc argumentum adducunt. Nam Leo in isto ipso loco ad omnes fideles, Christi praeceptum pertinere dicit; sed ad nos praecepit, quibus Dierum Domini jam est vicinior. Deinde, cum Paulus I. Timoth. III. jubet Episcopum eligi: *Qui domui sua bene prasit, et filios habeat subditos in omni castitate* (2); nec tamen contraria Christo doceat: certe non jubet Christus

ulli, ne habeat curam uxoris ac liberorum, sed ne gravetur nimia sollicitudine.

At inquit, ratio naturalis dicta, ministerium purissimum a continentibus esse peragendum. Respondeo, dictare id quidem rationem, sed ut rem convenientem, non ut omnino necessariam.

Tertio probatur, ex Concilio Ancyrano, cap. 10. ubi dicitur posse Diaconos cum licentia Episcopi uxores ducere, etiam post susceptum Diaconatum; ergo non est de jure divino; nec enim Episcopi in jure divino dispensant. Estque hoc Concilium antiquissimum, et confirmatum a Leone Papa, dist. 20. eam de libellis. Accedit postremo, quod Concilia, et Patres in sequenti capite producendi, passim testantur, hanc legem esse Ecclesiasticae; quod etiam legitimus in Concilio Tridentino, sess. XXIV, can. 9 (3).

CAPUT XIX.

Celibatum jure Apostolico rectissime annexum ordinibus sacris.

Jam vero de altera quæstione; An recte factum sit, ut celibatus perpetuus sacris ordinibus annexetur, duo sunt refutandi errores; unus Græcorum, alter Lutheranorum. Prior error est; Oportero Clericos, antequam ordines sacros suscipiant, uxores ducere, quia post sacros ordines susceptos, non licet id facere, et nimis magno periculo forniciandi se exponit, qui sine uxore vivit.

Hujus erroris aliqui auctorem faciunt Nicolaulum, unum ex septem primis Diaconis. Sed quidquid de hoc sit, constat, Vigiliatum hunc errorem expresse docuisse; de quo sic B. Hieronymus initio lib. contra Vigiliantium: « Proh nefas, inquit, Episcopos sui sceleris dicitur habere consortes, si tandem Episcopi nominantur sunt, qui non ordinant Diaconos, nisi prius uxores duxerint, nulli celibiti credentes pudicitiam. » Hunc errorem receperunt Patres Concilii Trullanii, circa annum Domini 700, ut patet ex can. 13. ubi profana illa Synodus damnat nomi-

(1) Luc. XXI, 34. — (2) I. Timoth. III, 4. — (3) Qui de celibatu plura desiderat, audeat: *Nature et virginité*, par le docteur Ennemond Dufieux; *Du célibat ecclésiastique*, par Mgr Pavé, évêque d'Alger, et *Recherches historiques sur le célibat*, par Mgr Jager, camérier du Pape.

nafim canones Romanæ Ecclesie, et contrarium statuit, nimurum ut Clerici ante Subdiaconatum uxores ducant, et cum eis vivant postea, in sacris ordinibus constituti. Tempore hujus Synodi cepit mos Græcorum, qui nunc est. Autus autem est et confirmatus tempore Leonis IX. quando dissidium Græcorum a Latinis maxime crevit in multis aliis articulis. Unde extat liber Humberti Cardinalis eo tempore scriptus de hac re, contra Nicetam Abbatem, qui hunc morem Græcorum tunc acerrime defendebat.

Posterior error longe gravior est. Non solum licere ante ordinacionem, sed etiam post ordinacionem, uxorem ducere. Hujus erroris fundamenta quedam jecit Jovinianus, qui docuit, virginitatem non praestare matrimonio; inde enim sequebatur, frustra Sacerdotes velle carere uxoribus. Unde etiam quedam Sanctimoniales, Joviniano auditio, nuperunt, ut B. Augustinus referat lib. de heresis, cap. 82. Hæc tamen heres mox exincta fuit, nec usque ad deceptionem aliquis Sacerdos pervenit, ut ibidem Augustinus ait.

Primus autem qui docuit aperte, licere post ordinacionem uxorem ducere, fuit Joannes Wiclefus, ut refert Thomas Waldensianus, II de Sacramentis, cap. 128. et 129. et tom. III de Sacramentalibus, c. 66 et 67. Eum secuti sunt Lutherus in lib. de abroganda Missa privata; Pomeranus in lib. de coniugio Episcoporum, Magdeburgenses in Centuriis singulis, cap. 7. et nominatum Centuria XI, cap. 7, col. 389. ubi dicunt, hanc esse heres maximè pestiferam omnium, quæ unquam Christianum regnum perturbarunt. Item Beza, et Martyn in primam ad Corinthios VII. Philippus Melanchthon in Confessione Augustana, art. 23 et in Apologia ejusdem articuli, Calvinus lib. IV. Institut. cap. 12, §. 23. Brentius in Confessione Wirtembergensis, capite de coniugio; Praeterea Erasmus in declamatione de laudibus matrimonii, utile esse judicat, si Sacerdotibus ius coniugii concedatur, et idem sensisse videtur Panormitanus, Catholicus aliqui et doctus auctor, in cap. Cum olim, de Clericis conjugatis. Audio Kemnitum in tercia parte Examini Concilii Tridentini, de celibatu Sacerdotum copiose tractasse, sed eum librum nondum videre potui. Ac si ex aliis ejus operibus conjectura facienda est, nihil

aut parum admodum addet ad ea, quæ Centuriatores et Calvinus collegerunt.

Contra hos errores probandum nobis est, votum continentia annexum esse ordinibus sacris, ita ut neo ducere uxores, nec uxoriibus antea ducias ut licet post ordinacionem; positivo quidem iure, sed antiquissimo et equissimo, et quod nullo modo expedit, ut hoc tempore relaxetur.

Præbatur primo, Scripturis; ac primum Paulus in epist. ad Titum, cap. I: *Oportet, inquit, esse Episcopum hospitalē, benignum, sobrium, iustum, sanctum, continentem* (1). Ubi notandum pro eo, quod nos habemus sobrium, Græca esse ὁπόνε, quod, ut Hieronymus in hunc locum dicit, ambiguum est, et prudentem, sobrium, castum significare potest; hoc autem loco significat castum. Quia vero castitas etiam conjugatis communis est, ideo Apostolus addit etiam continentem; quod ibidem B. Hieronymus expavit ab uxoris amplexibus. Idem in epist. II ad Tim. cap. II: *Labora, inquit, sicut bonus miles Christi Jesu, nemo militans Deo implicat se negotiis secularibus* (2). Ille Apostolus Episcopo præcipit, ut strenue militet Deo; deinde dicit, non posse eum bene militare Deo, si se implicaverit negotiis saecularibus, qualia certe esse nuptias, nemo negare potest. Nam, ut S. Basilius pulchre docet in precepto constitutionum Monasticarum: « Nuptiae pedicea sunt. » Idem Apostolus I. ad Corinthios VII. jubet, conjugatos vacare ex consensu ad tempus ab opere nuptiarum, ut orationi instare possint; Ex quo per bonam consequentiam deducit B. Hieronymus in cap. I ad Titum, et lib. I in Jovinianum, cum præcipere Episcopis, et aliis hominibus sacratis, ut perpetuo ab nuptiarum opere vacent, cum quotidie orationi insistere debeant. Quo eodem arguento ex hoc loco utuntur Origenes homil. 23. in Numer. et Epiphanius heresi Catharorum.

Præterea in veteri Testamento, continentiam ab uxoribus videmus in primis fuisse requisitam in iis, qui Deo propinquati, vel rem aliquam sanctam tractaturi erant. Nam Exod. XII. præcepit, ut comedunt Agnum Paschalem renes suos accingerent, quo significabatur, ut Gregorius exponit homil. 22. super Evangel. debere eos carnis voluptatem edomare, qui Agnum Paschalem comedunt. Exod. XIX. cum populus legem a Deo

(1) Tit. I, 8. — (2) II. Tim. II, 3 et 4.

accepturus esset, ait illis Moses : *Estate parati in diem tertium, et ne appropinquetis uxoris vestris* (1). Quo testimonio uitior Ambrosius lib. I de officiis, cap. ultimo, ad probandam continentiam Clericorum.

Item Exod. XXVIII praecepit Deus, ut Aaron et filii eius cum ingredentur tabernaculum, foeminalibus linea a rebus usque ad femora testi essent; quo exponit Beda, lib. III de tabernaculo cap. 9, significatum esse, debere Sacerdotes novi Testamenti aut virgines esse, aut contracta cum uxoribus fidei dissolvisse. Item 1. Reg. XXI. noluit Achimelech Sacerdos dare Davidi panes propositionis comedendos, nisi prius intellexisset, eum ab uxore aliquamdiu se continuisse. Ex quo dedit B. Hieronymus in cap. I ad Titum, perpetuam require in Sacerdotibus continentiam, etiam ab uxoribus, qui corpus Christi, quod illo pane propositionis significabatur, conficiunt, edunt, alisque tradunt.

Denique ex lib. I Paralip. cap. 24 et Luce I colligitur, Sacerdotes veteris Testamenti per vices suas ministrare solitos, et toto tempore, quo ministrabant in tabernaculo, a domo et uxore absuisse. Ex quo deditur Sacerdos Papa in epistola ad Himericum, et Innocentius I in epistola ad Victricium, necnon Beda in cap. I Luce, quod si illi tempore, quo ministrabant, ab uxoribus abstinebant, omnino decere, ut Sacerdotes nostri, qui non per vices, sed semper ministrant, semper ab uxoribus se contineant.

Hoc ultimum argumentum solvere conatur Calvinus, lib. IV, cap. 12, §. 23. ac dicit, Sacerdotes Leviticos *avertit*; Christi fuisse, id est, figuram Christi gessisse, et quia Christi excellentiam et sanctitatem exacte referre non poterant, jussos fuisse ultra humandum morem se purificare. Nunc autem id necessarium non esse, cum per Christi adventum figuræ, atque umbræ cessaverint.

At solutio parum valet. Nam sicut Leviticus Sacerdotes, Christi venturi figuram gerbant, ita nunc Sacerdotes Christiani Christum, qui venit, representant. Sacerdos enim, dum sacra mysteria peragit, Christi personam sustinet, et propterea sacrificans, non dicit: *Hoc est corpus Christi*, sed: *Hoc est corpus meum*. Ipse enim Christum eo loco agit; id quod etiam vestium sacrarum ornatus designat. Deinde, non est illa primaria

causa, cur Sacerdotes Leviticus deberent abstinebant ab uxoribus, quia gerabant Christi figuram, sed quia Domino ministrabant. Exodi XIX: *Sacerdotes, qui accedunt ad Deum, sanctificantur, ne periret eos* (2). Nam aliqui David semper erat Christi figura, et tamen tunc solum jussus est abstinebant ab uxori, quando panem sanctum comesturus erat, ut diximus. Denique, si illi, quia Christum significabant, debuerunt ultra humanum modum se purificare, quanto magis purificari debebunt, qui Christum ipsum quotidie tractant.

Probatur secundo, testimonio Conciliorum antiquorum totius Ecclesie. Ac primum Ecclesiae Orientalis. Habemus Concilium Africanum celebratum ante annos 1200. can. 40. ubi dicitur: « *Diaconos qui in ipsa ordinatione non protestantur se velle uxorem habere, non posse post ordinationem eam ducere*; Si autem protestentur, posse ducere, quia tunc censevit Episcopus cum eis dispensesse. Item Concilium Neocesiarense paulo post celebratum, cap. I: « *Presbyter, inquit, si uxorem duxerit, ordine suo moventur*. Concilium Nicenum I. can. 3. interdictum Episcopo, Presbytero, et Diacono ne domi mulierem ullam habeat praeter matrem, sororem, amitam. Nulla uxoris mentio fit, que tamen primo loco poni debuit, si cum ea habitare licet. Item, cum prohibetur Clericis cohabitatio mulierum, si uxorata esse possunt? Nomen uxores ancillas habere possunt in eadem domo? Denique Synodus Trullana, can. 6. prohibet, ne Episcopi, Presbyteri, Diaconi, et Subdiaconi post ordinationem suam, uxorem ducant, et can. 48. praecepit, ut Episcopos non cohabitent uxori.

Ecclesiae Africanae habemus insigne testimonium. Concilium enim Carthaginense II, can. 2: « *Omnibus placet, inquit, ut Episcopi, Presbyteri, Diaconi, vel qui Sacramenta contractant, pudicitia custodes etiam ab uxoribus se abstineant*. » Et ratio ibi reditur: « Ut quod, inquit, Apostoli docuerunt, et ipsa servavit antiquitas, nos quoque custodiamus. » Hoc testimonium non solum refellit Lutheranos, sed etiam eos ex Catholicis, qui volunt hoc decretum de sacerdotum continentia a Sircio incipiisse. Isti enim Patres ab Apostolis incepisse dicunt. Item Concilium Carthaginense V, can. 3. et

(1) Exod. XIX, 15. — (2) Exod. XIX, 22.

Goncillum Africanum, can. 37. idem consti-tuant.

Ecclesiae Italicae habemus Goncillum Romanum sub Sylvestro I. quod canon. 8. prohibet Subdiaconis, ne uxores ullo modo du-cere audeant.

Ecclesiae Gallice habemus Goncillum Are-latense II, ante annos 1700 celebratum; in quo can. 2. caretur, ne ullus conjugatus, ad sacerdotium assumatur, nisi continentiam ab uxore promiserit. Item Goncillum Turonense I, canone 1 et 2. et Turonense II, canone 20. Agathense, cap. 9. et Aurelianense III, can. 2: « *Ut nullus, inquit, Clericorum a Subdiaconi et supra, proprie, si forte jam habeat, misceatur uxori*. »

Ecclesiae Hispanice habemus Goncillum Eliberitanum ante tempora Siricii, can. 33: « *Placuit, inquit, in totum prohibere Episcopis, Presbyteris, Diaconis, ac Subdiaconis abstineri se a conjugibus, et non generare filios*. » Toletanum II, cap. 1 et Toletanum IV, cap. 26 et Toletanum VIII, cap. 6. etiam Subdiaconi usum uxorum prohibent.

Denique Ecclesiae Germanice habemus Goncillum Aquisgranense tempore Ludovicus I, cap. 6. Goncillum Wormaciense, cap. 9: « *Placuit, inquit, ut Episcopi, Presbyteri, Diaconi, et Subdiaconi abstineant se ab uxoribus, et non generent filios*. » Denique Goncillum Moguntinum tempore Arnaldi Imperatoris, cap. 40. statutum ut nulla pe-nitus mulier, ne soror quidem, aut mater, cum Ecclesiasticis habite permittatur.

Et his appareat mendacium esse apertissimum, quod Philippus dicit in ipsa Confessione Augustana, artic. 23. cui toti Principes subscripti perunt, in Germania ante annos 400, primum esse legem colibatus impositam Clericis. Nam Concilia citata, sunt in Germania ante annos 700 celebrata, vel etiam amplius. Nec minus mendacium est, quod in Apologia dicit, legem de colibatu Clericorum in nullo Concilio reperi, sed a solo Romano Pontifice contra Synodorum sententiā inductum esse.

Probatur tertio, testimonio veterum Pon-tificum. Clemens I. in Canonibus Apostolorum, can. 27: « *In nuptiis autem qui ad Clerum proiecti sunt, praecepimus, ut si voluerint, uxores accipiant, sed lectores, cantoresque tantummodo*. » Quod autem de lectoribus, et cantoribus dicitur, idem de aliis minoribus ordinibus intelligitur, cum sit omnium eadem ratio. Calixtus I. apud Gra-

dianum, dist. 27. can. Presbyteris: « *Pres-byteris, inquit, Diaconis, Subdiaconis, et Monachis concubinas habere seu matrimonia contrahere penitus interdicimus, et Sircio in epistola ad Himericum, cap. 7. (quod etiam Calvinus fatetur) prohibet cum uxore commercium iis qui sunt in sacris. Idem Paulus post confirmavit Innocentius I. in epistola ad Victricium, cap. 9. et in epist. ad Exuperium, cap. 1. Idem Leo I, in epist. 82. ad Anastasium Episcopum Thessalonicensis, cap. 4. et in epist. 90. ad Rusticum Narbonensem, cap. 3. Idem Gregorius I. in epist. 42. lib. I et epist. 34. libri III. Idem Zacharias Papa in epist. ultima, ad Bonifacium Episcopum Germanie, ante annos 800. Unde etiam apparat clarius Philippi mendacium. Sed placet verbo referre Leonis I, in epist. ad Anastasium, quia non solum Lutheranos, sed etiam Graecos, evidenter coraguunt. Ad Graecos enim scribit hoc modo: « *Omnium, inquit, Sacerdotum tam excellens est electio, ut haec, quae in aliis membris Ecclesie vacanta culpa, in illis tamen habeantur illicita. Cum enim extra Clericorum ordinem constitutis nuptiarum sociati, et procreationi filiorum studere sit liberum, ad exhibendam tam perfectam continentiam puritatem, nec Subdiaconi quidem carnale connubium conceditur, ut et qui habent, sint tanquam non habentes, et qui non habent, permaneant singulares et innupti. Quod si in hoc ordine, qui quartus exstat a capite, dignum est custodiri, quanto magis in primo, vel in secundo, tercio servandum est, ne aut Levitico ministerio, aut Presbyterali honore, aut Episcopali excellente quisquam idoneus existimat, qui se a voluptate luxoria, needum francesca detegitur?* » His adde expressa testimonia veterum Imperatorum, que exstant Codice de Episcopis, et Clericis, leg. eum qui, et sequentibus, item in Authenticiis de Monachis,*

Probatur quarto, testimonio veterum Patrium Graecorum et Latinorum. Origenes homil. 23. in librum Numeri: « *Certum est, inquit, quia impeditur sacrificium indecens iis, qui conjugibus necessitatibus serviant, unde videtur mihi quod illius solus est offerre sacrificium, qui indecenti et perpetuae se devoverit castitati*. » Eusebius lib. I demonstrat. Evang. cap. 9: « *Verumtamen, inquit, eos qui sacra sint atque in Dei ministerio, cultuque occupati, continere deinceps seipso a commercio uxoris decet etc.* »

Epiphanius ad finem operis contra hæreses : « Sanctam, inquit, sacerdotum ex virginibus, ut plurimum, aut ex solitariis, aut si hi ad ministerium non sufficerint, de his qui se a propriis uxoribus continent, et si quis ab initio continens viduus fuerit, habere potest locum Episcopi, Presbyteri, Diaconi, Hypodiacoñi. » Item hæresi 59. qui est Cathavorum ? Sed, inquit, et adhuc viventes et liberos gignentem unius uxoris virum Ecclesia non suscipit, sed eum, qui se ab una continuit, aut in viduitate virxit, Diaconum, et Presbyterum, et Episcopum, et Hypodiacoñum : maxime ubi sinceri sunt Canones Ecclesiastici. At dices mihi in quibusdam locis adhuc liberos gignere Presbyters, et Diaconos, et Hypodiacoños : At hoc non sicut juxta Canonem, sed juxta hominem mentem, quæ per tempus elongauit. »

Chrysostomus homil. 2. de patientia Job : « Dixit, inquit, unius uxoris virum, non ea ratione, ut id nuna in Ecclesia obseruetur; oportet enim omni prorsus castitate Sacerdotem ornatum esse. Gregorius Nyssenus libro de virginitate cap. ult. : « Quomodo, inquit, Dei sacerdotio funderis, qui ad hoc ipsum, ut munus offeres, unctus es? Quomodo haec ipsa Deo offeres, qui legi non obtemperas prohibenti, ne sacra impurus faciat? Ac si Deum tibi apparere expetis, quid in causa est cur Mose non audias, qui populo edicit, ut a nuplia purus sit, quo Dei aspectum comprehendat? » Cyrilus Catechesi 12 : « Si, inquit, qui apud Jesum bene fungitur sacerdotio, abstinet a muliere: ipse Jesus quomodo ex viro, et muliere proditrus esset? » Ocumenius in cap. III. primo ad Timoth. in illud: Unius uxoris virum : « Non statuit, inquit, ut ab uxore pendeat Episcopus, aut uxorem necessario habeat, sed si fiat, inquit, et mundanis, non sit saltem bigamus, ita tamen ut vocatus ad Episcopi munus, illud compleat; quod qui habent uxores, sint tanquam non habentes. »

Jam ex Latinis, Cyprianus, sive quicunque est auctor, in lib. de singularitate Clericorum, affirmat sibi a Domino revelatum, non debere Clericos domi sive habere mulieres; id quod etiam tota eo libro probat. Neque obstat, quod in extremo libro (ut Petrus Martyr notavit) sic loquuntur : « Si quis habet matrem, vel filiam, vel sororem, vel conjugem, vel cognatam, sic habeat, ut

nolla ancilla intersit etc. » Nam loquitur de conjugi, quæ simul voerit continentiam. Simili habetur locus in Concilio II Arelatensi, can. 3 : « Si quis de Clericis a gradu diaconatus in solatio sui mulierem præter aviam, matrem, sororem, filiam, neptem, vel conversam secum uxorem habere præsumperit, a communione alienus habeatur. » Alioquin si Cyprianus uxorem Clericis concederet, quæ uti licet, pugnaret cum toto suo libro, et cum ipso titulo : « De singularitate Clericorum. »

Ambrosius lib. I de officiis, c. ult. : « Inoffensus, inquit, exhibendum, et immaculatum ministerium, nec ullo conjugal coitu violandum cognoscitis, qui integro corpore, incorrupto pudore, alieni etiam ab ipso contortio conjugal, sacri ministerii gratiam receperisti. Quod ideo non præterivi, quia in plerisque abditiioribus locis, cum ministerio gerent, vel etiam sacerdotibus, filios suscepserunt. » Idem in epist. 82. ad Ecclesiam Vercellensem : « Habentem, inquit, filios, dixit Apostolus, non facientes etc. » Et in cap. I, epist. I ad Timotheum : « Deinceps, inquit, ab uso formæ cohabitentur etc. »

Hieronymus lib. in Vigilantium circa initium : « Quid facient, inquit, Orientis Ecclesiæ? quid Ægypti, et sedis Apostolice, quæ aut virginis Clericos accipiunt, aut continentes, aut si uxores habuerint, mariti esse desistunt? » Idem in fine Apologie pro libris contra Jovinianum : « Episcopi, inquit, Presbyteri, Diaconi, aut virginis eliguntur, aut vidui, aut certe post sacerdotium pudici. »

Augustinus lib. II de adulterinis conjugiis, cap. 20 : « Solenam, inquit, eis proponere continentiam Clericorum, qui plerunque ad eamdem sarcinam subeundam capiuntur inviti, eamque suscepsem usque ad debitum finem, Domino adjuvante perducant. » Vide totum locum. Auctor questionum veteris et novi testamenti, qui non est Augustinus, ut titulus praesert, sed aliquis antiquior, quæstione ultima sub finem : « Si licet, inquit, et bonum est nubere, cur sacerdotibus non licet uxores habere? » Et prolixe causam reddit.

Gregorius præter decreta supra citata lib. VI, cap. 1. in lib. Regum, errare dicit eos, qui propter verbum Pauli : *Unusquisque uxorem suam habeat* (1), putant licere Ecclesiastici uxores habere. Gregorius Turonicus lib.

(1) I. Cor. VII, 2.

IV hist. cap. 4. refert quendam Comitem, qui dimissa uxore fuerat sacris initiatus, quia posita ad uxorem redire voluit, ab omnibus Episcopis excommunicatum fuisse.

Isidorus lib. II de officiis divinis, cap. 10: « Placuit, inquit, sanctis Patribus, ut qui sacra mysteria conrectant, casti sint, et continentes ab uxoribus, et ab omni carnali immunita sint liberi. » Haec de Subdiaconis dicit. Similia docet de Diaconis, et Presbyteris cap. 5 et 8. Ex quibus locis intelligi possunt ex verba capituli secundi : « Castimoniæ corporis perpetuo servent, aut unius matrimonii vinculo fidearentur. » Hæc enim dicuntur de Clericis in universo, tum majoribus, tum minoribus. Debet enim omnes Clerici aut perpetuo esse continentes, si majoribus ordinibus initiati sint, aut unius matrimonii vinculo copulari, si minoribus.

B. Anselmus in epist. 8. assert recte a Gregorio VII prohibitum fuisse, ne ulli interessent Sacris sacerdotum conjugatorum. Beda lib. III de tabernaculo, c. 9 : « Nemo potest, inquit, vel sacerdotium susciperi, vel ad altaris ministerium consecrari, nisi aut virgo permanerit, aut contracta cum uxore matrimonii federa solverit. » Denique, ut recentiores omittant, Arator Subdiaconum Vigili Papæ ante annos 1000, in lib. in Acta Apostolorum cap. 30, poste aquam explicit rationem, cur sacerdotibus veteris legis permittetur, at solum ad tempus ad uxoribus se continerent, subdit :

Ecclesia nunc alma fides sine fine padicos Pontifices jubet esse suos etc.

His testimoniis accedant exempla eorumdem. Nam a tempore Apostolorum, omnes Episcopi, Presbyteri, aliquæ Ecclesiastici, quorum vitæ habemus, et quos unquam laudes audiivimus, continentes fuerunt, neque illum exemplum probati viri in contrarium afferi potest. Magdeburgenses quidem diligenterissime quiescerunt omnibus sæculis aliisque, qui uxores duxerint post suspectos ordines, et multa exempla proferunt, Centuria IV, V, VI, VII, VIII, IX, X et XI. initio capituli septimi, sed nullum eorum aliquid valet.

Nam vel exempla illa debent intelligi de uxoribus, quas antea duxerant, ut de Gregorio, patre Gregorii Nazianzeni, vel intelligentur de minoribus Clericis, ut quod proferunt ex Concilio Toletano IV, cap. 42. vel sunt exempla eorum qui reprehenduntur, ut que proferunt ex epistola Zacharia ad Bonifacium, vel sunt expressa mendacia, ut cum dicunt Cent. V, cap. 7. Presbyteros Macedonie duxisse uxores, teste Innocentio I, epist. 22. nihil enim tale Innocentius dicit. Philippus in lib. de celibatu ad Regem Anglie, probat veteres Episcopos matrimonio usos ex epist. Polycratis, apud Eusebium lib. V hist. cap. 24. scribit enim Polyrates septem ex parentibus suis fuisse Episcopos, seque octavum esse. At deceptus Philippus est ex versione Ruffini. Graeca enim vox ἀντεπόσθιος, que est apud Eusebium, non parentes, sed cognatos significat. Sed factæ esse parentes, num propterea sequitur eos in Episcopatu matrimonio usos?

Ex hac autem tanta nube testium tria deducuntur. Primo, errare Clictovium et alios, qui putant legem continentie impositam Clericis primum a Siricio. Nam Clemens, Origenes, Eusebius, Epiphanius, et aliqua Concilia citata, antiquora sunt Siricio. Secundo, morem Græcorum, quem nunc habent, non fuisse primis sexcentis annis, ut patet ex iisdem auctoribus, neconon ex Chrysostomo, Hieronymo, et Leone locis citatis. Tertio, mendacium esse, et quidem impudentissimum Calvini lib. IV instit. cap. 42, §. 25. ubi dicit omnes veteres Patres approbase conjugium in ordine Episcopali, Nam Patres plurimi citati, et Concilia plurima contrarium statuant, et nullum exemplum in contrario adferri potest.

Probatur jam quinto ratione; cum enim conjugium vehementer impedit Ecclesiastica munera, æquum fuit, ut sacerdotibus, aliquæ sacrais hominibus conjugia prohibentur, nam Ecclesiasticorum munera sunt sacrificare, orare, docere, exhortari, Sacra menta ministrare, oram pauperum gerere, et similia, quæ rite exerceri non possunt, ut Apostolus ad Titum c. 1. docet, nisi sacerdos sit hospitalis, benignus, sobrius, justus, sanctus, continentis, doctus.

Jam vero matrimonium impedit in primis, ut Hieronymus dicit lib. I. in Jovinianum, munus sacrificandi, quia summa quedam puritas, et sanctitas in eo requiritur, ut Chrysostomus explicat lib. VI. de sacerdotio. In actu vero conjugii negari non potest, quin admixta sit quedam impuritas et pollutio, non quæ peccatum sit, sed quæ ex peccato tamen nata sit. Quamvis enim Calvinus, loco notato, vociferetur contra Siricum, qui conjugium sacerdotum pollutionem vocavit, ta-

men non solum conjugium sacerdotum, quod sacrilegium est, non conjugium, sed etiam sanctorum matrimonium sine pollutione quadam, et turpitudine non exerceri, satis testatur rebellio membrorum, et verecundia humana in illo actu, que secretum semper querit, ut notavit B. Augustinus lib. XIV de civitate Dei, cap. 17.

Deinde, impedit studium orationis, et lectionis, in quo assidue sacerdos versari debet. Oratio enim requirit mentem elevatam, purgatam, et tranquillam; actus autem conjugii, ut B. Augustinus docet lib. XIV. de civit. Dei, cap. 16. maxime hebet aciem mentis, et deprimit ad inferiora, et perturbat et animam ipsam carnalem quodammodo facit.

Tertio, impedit efficaciam prædicationis, ut Ambrosius docet lib. I de officiis cap. ultim. quomodo enim efficaciter exhortabitur viduas et virgines, qui liberis perpetuo operam dat?

Quarto, impedit curam pastoralem, nam qui uxorem, et liberos habet, de illis semper cogitat, et affectus, quo oves suis prosequi debet, in uxore et filiis totus consumitur, et tamen (ut Ambrosius docet lib. I de officiis, cap. 7.) plus diligendi essent filii spirituales, quam carnales.

Quinto, impedit curam pauperum, et illam hospitalitatem, et benignitatem, quam Apostolus tantopere commendat; nam qui uxorem, et liberos habet, debet eis thesaurizare, et raro inventuuntur conjugati qui superfluum habeant. Adde, quod cum Clericus non possit filii reliquere beneficia, et tamen omnis Pater cupiat bene prospectum filii suis, cogerentur esse avarissimi, et vendere Sacramenta.

Sexto, impediret Sacramentorum administrationem; tunc enim vix distinguenterunt Clerici a Laicis, et esset sicut populus, sic sacerdos. Quid experientia testatur; nam tempore Gregorii VII. cum in Germania coepissent sacerdotes uxores duceret, tantus contemptus Sacramentorum secutus est ut passim Laici Sacra menta administrarent, ut Joannes Nauelius, et alii referunt. Itaque merito B. Epiphanius heresi 59. dicit, propter honorem sacerdotii necessariam esse continentiam. Superest argumenta solvere. Ac primum solvam argumenta Calvinii eodem ordine quo ipse proponit.

(1) I. Cor. X, 11; I. Joan. II, 18.

CAPUT XX.

Solvuntur argumenta Calvini.

Argumentum primum. Deus reliquit matrimonium liberum, ergo nulli homini licuit id prohibere, et confirmatur ex Apostolo I. Timoth. IV. ubi notam haereticorum esse dicit prohibere nuptias.

Respondeo, concedimus totum argumentum; neque enim Ecclesia prohibet matrimonium, aut cogit ullum ad celibatum absolute suscipendum, sed solum requirit eam conditionem in iis, qui initiari volunt sacris mysteriis, quam si quis nolit accipere, potest non accipere, sed non initiatitur. Quemadmodum non censetur Ecclesia prohibere judicia forensia, nec officium tortoris, etiam si nolit talia ab Ecclesiasticis fieri. Ad locum Apostoli dicimus cum Hieronymo lib. I. in Jovinianum, et Augustino lib. XXX. contra Faustum, cap. 4 et 6. Ambroso, Chrysostomo, aliquisque in hunc locum, notari ab Apostolo eos, qui absolute nuptias ut malas prohibebant, quales fuerunt Tatianus, Marcion, et Manicheus.

Sed forte objicunt, quia Apostolus dicit id futurum in novissimis diebus. Respondeo, novissimos dies intelligi totam hanc ultimam atatem, quae est a Christo usque ad judicium. Nam Apostolus ait: *Nos sumus in quas fines seculorum devenirent.* Et: *Filioli novissima hora est* (1). Adde, quod vox Graeca non est *τέλος*, sed *τερπός*; id est, non in ultimis, sed in posterioribus temporibus. Neque illi negare possunt adversari, nisi velint Manicheos et Encratitas ab Apostolo notatos non fuisse, qui tamen apertissime nuptias prolubebant. Nec enim illi in ultimis temporibus fuerunt.

Sed objicit Petrus Martyr in lib. de celibatu, et votis monasticis, sanctum Augustinum, qui lib. II. de moribus Manicheorum, cap. 18. et in epist. 74. ad Deuterium, testatur Manicheos non prohibuisse nuptias nisi electis suis, qui erant apud eos quasi Sacerdotes, et Monachi: et tamen dicit eos notari ab Apostolo, cum ait, doctrinam esse dæmoniorum, prohibitionem nupliarum:

CAPUT XX.

Respondeo. Idem Augustinus lib. XXX. contra Faustum, cap. 6. scribit, a Manicheis interdictas nuptias simpliciter, quia etsi eas permittebant auditoribus suis, id facebant, quia non poterant aliud obtinere: « Nec ideo, inquit, vos dicatis non prohibere, quia multis vestros auditores in hoc obedirent, aut non valentes, salva amicitia toleratis. » Hæc ille. Non autem non solum toleramus Christianos conjugos, sed etiam laudamus. Ac præterea Manichei auditoribus suis sic nuptias permittebant ad exemplandum libidinem, ut tamen conceptum, et liberorum procreationem cavendam esse moneant. Quod est nuptias apertissime detestari. Catholici autem ideo potissimum nuptias laudant, quod ad procreationem liberorum a Deo instituta fuisse noscantur.

Argumentum secundum. Apostolus I. Timoth. III et Tit. I. cum absoluti Episcopi ideam exprimeret, inter reliquas dotes, et virtutes, quas in eo requirebat, ausus est conjugium ponere: ait enim, unius uxoris virum esse eligendum.

Respondeo, falsissimum est, quod Apostolus inter dotes, aut virtutes absoluti Episcopi ponat conjugium: ad quod probandum sufficeret, quod quotquot Sanctissimi Episcopi hactenus fuerunt, omnes continentes fuerunt, ut supra diximus: quos certe nullo modo credibile est, aut non intellexisse verba Pauli, aut ei obtemperare noluisse. Præterea cum idem Paulus I. Corinth. VII. hortetur ad continentiam, et dicat bonum esse innuptis et viduis, ut sic permaneant, et: *Qui nubit benefacit, qui non nubit melius facit* (1); quomodo credibile est eundem Paulum inter dotes, et virtutes Episcopi posuisse ut uxorem habeat? Adde, quod non solum Chrysostomus et alii Patres in hunc locum docent, Paulum non tulisse legem, ut episcopi habeant uxores, sed solum ut non habeant, vel habuerint plures quam unam: sed etiam Martinus Lutherus in propositionibus de digamia contendit ista verba: *Unius uxoris virum, esse accipienda negative, non positive, ita ut non teneatur Episcopus habere unam, sed teneatur non habere plures fratres una cum uxore.*

At, inquit Calvinus, Paulus ibidem, ubi descriperat quales debeat esse Episcopi et Diaconi, describit etiam quales debeat esse eorum uxores. Respondeo, Paulum, ubi di-

cit: *Mulieres similiter pudicas* etc. vel loqui de mulieribus generati, ut Ambrosius expponit, vel de Diaconissis, que vidue erant; ut Chrysostomus et Theophylactus docent, vel si loquatur de uxoribus Episcoporum et Diaconorum, loqui de uxoribus, quas accepterant ante ordinationem, non quas postea acceperant essent.

Argumentum tertium. Apostolus Hebr. XIII citra exceptionem secure pronuntiat, honorabile esse infer omnes conjugium: *Cum non etiam inter Sacerdotes?*

Respondeo, argumentum facile in ipsum retorqueri posse, si enim conjugia omnium sunt honorabilia, etiam conjugia consanguineorum in primo aut secundo gradu erunt honorabilia, et conjugia adolescentium in iussu parentum contracta, erunt honorabilia, que tamen Calvinus improbat libro IV, cap. 19. §. 37. Insti. Dico igitur, tribus modis posse exponi illud *In omnibus, Graece, & omni.* Primo, ut in omnibus, id est, quod omni ex parte, id est, conjugium honorabile est in omnibus, qua conjugii sunt, sive Sacramentum, sive fidem, sive prolem consideres: ita Ecumenius in hunc locum. Secundo, ut omnibus significet apud omnes, id est, nemo debet conjugium reprehendere, etiam si virginitate ipse profiteatur; ita videtur accepisse Fulgentius lib. de fide ad Petrum cap. 3. Denique, in omnibus, id est, in omnibus legitime conjunctis, quicumque illi sint, sive senes, sive juvenes, sive nobilis, sive obscuri, sive Graeci, sive Hebrei etc. Ita Theophylactus in hunc locum, et hæc videatur magis literalis expositione, sed parum refert.

Argumentum quartum. Apostoli exemplo suo docerunt, nullus, quamvis excellentis functionis sanctitate, indignum esse conjugium, nam eos uxores non solum habuisse, sed etiam circumduxisse testatur Paulus I. Corinth. IX. cui loco etiam addi potest illud Philipp. ult.: *Rogo te etiam Germane compar adjuva illas etc.* (2). Posset enim commode veri, Germana conjux, quod Graece scriptum est.

Respondeo, non esse omnino certum, qui ex Apostolis uxorem habuerint, et qui non habuerint. Tertullianus libro de Monogamia, et Hieronymus libro I in Jovinianum existimant præter Petrum, cuius socrum in Evangelio legimus, nullum alium Apostolo-

(1) I. Cor. VII, 38. — (2) Philipp. IV, 3.